

四庫全書

集部

欽定四庫全書

集部

石倉歷代詩選卷四百

二十至  
二十四

詳校官編修臣謝振定

侍讀臣孫球覆勘

總校官進士臣朱 鈐

校對官中書臣汪學金

謄錄監生臣孔廣平

欽定四庫全書

石倉歷代詩選卷四百二十

明  
曹學佺 編

明詩次集五十四

蕭顯

舟中寄答諸相知先生

傷離懷故人無由一縮地和得相思詞殷勤附驛使詞  
中何所云交好情難昧落日動客愁臨風起遐思棹驚

白鳥翻岬轉青山  
厠隔水有煙蘿搖搖見蒼翠數日計  
行期流光若飛騎  
丈夫不家食到處聊適意況有臨分  
語矢言遵所示

即事

遙憶江南景寒梅冬著花  
上元柑飽穀穀雨茗收芽  
此日聞邊雁迴風帶暮鴉  
歸山不輕出淨寂似僧家

鎮東樓同陳司馬飲

登賞因逃暑吟哦幸遇君  
雨餘山水漲風細野芳芬  
近

渚鷗尋侶排空雁逐羣庾公千載後高興計誰分

種竹

種竹西涯滿清風日在君故根依淨土新葉拂晴雲簇  
簇龍孫長條條鳳吹聞我行頻欲過藉此避塵氛

遊普定寺次方伯周子建韻

坐閱殘經久興亡一夢中方塘澄水月曲澗響松風禪  
悟三乘妙心虛萬法空我來幽興發吟對晚霞紅

送鄭侍御坐失儀外補

十年持斧斧到處即聲馳病骨峻層日天威戰慄時朝  
叅元自重聖澤本無涯暫借親民瘼無煩歎別離

蔭秀亭

愛此園林好憑高眼界餘鯨聲吞海濶鶴迹印沙虛午  
餉炊農飯晨興課子書天機自流動何必詠鳶魚

圍春庄山居

過山庄便是十里路非遙白鶴鳴孤嶂清聲徹九霄海  
翁閒弄釣野水暗通橋明月清風侶來時不用邀

送劉信之分教雲陽

宮漏催殘欲曙天  
儒官辭闕向西川  
過家白髮憐親老  
分教青衿得士賢  
舟出九江春見雁  
道經三峽曉聞鶻  
吾鄉自昔多才俊  
師席聲華到日邊

謁陵

面辭丹陛謁皇陵  
十里橋前盡却乘  
國祚萬年綿大統  
鼎湖千載憶遐升  
更催玉漏猶殘滴  
班列丹霄最上層  
祀事已終歸去急  
擬陳哀頌愧非能

邀李西涯遊城西寺

曉日聯鑣出帝州西園名勝共君遊看花已覺今非昨  
觀稼還知歲有秋果雜冰盤高樹下酒分磁甕小橋頭  
投壺對奕心俱適忘却人間別有愁

次王守倫韻

草亭新構絕塵侵雅稱將軍逸樂心能以文謨資武畧  
頃令城市有山林秋清撫景詩頻詠公暇娛情酒謾斟  
晚節更憐叢菊在西風吹綻蒲籬金



將至清泉懷諸相知

朱函寶冊下堯廷千里兼程水陸經避節塵氛天外靜  
對船山色雨中青源泉去我餘三日瀚海何人識二星  
尚憶昔年遊賞處一杯曾共醉林垌

題竹

此地重逢挺節筠清風瀟灑最怡神十年濶別渾如舊  
竟日相看不厭頻采采鳳鸞鳴盛世珊珊環珮下嚴宸  
歲寒有約期無負遲暮林間定可親

示子孫

尋常拂拭舊琴星心賞音諧手未停郭外探春花欲發  
庭前欺雪竹還青風回海釣機心息月上山窓塵夢醒  
曉起教兒讀周易客來休問太玄經

圍春莊雜感

三十年來涉宦途乞歸華髮半頭顱依山結屋塵偏靜  
臨水觀魚興不孤野老崎嶇尋橡實林僧談笑斷松腴  
離家幾作還家夢一夜團圞骨肉俱

其二

六十九翁過洞仙杖藜渾不憚躋攀琴書携取消晴晝  
水石憑將慰老顏閒把綸竿清瀨處醉眠茅屋白雲間  
有時徙倚闌干立目斷孤鴻天外還

南海

入夜潮聲十里聞氣連霄漢自氤氲舟航吳越長風便  
襟帶幽燕孔道分蛟在室中吞怪物蜃成樓處見妖氛  
有時三島開晴霽彷彿羣仙擁絳雲

鎮東樓

城上危樓控朔庭百蠻朝貢往來經八窓虛敞堪延月  
重檻高寒可摘星風鼓怒濤驚海怪雷轟幽谷泣山靈  
幾回浩笑掀髯坐羗笛一聲天外聽

述事用唐人早朝詩韻

春期已盡曉猶寒吟徧羣峰獨倚欄桃種豈殊仙子宅  
松封曾號大夫官日長人靜門重掩雨過苔深徑不乾  
愛此山林真有癖早投簪紱未曾難

即席懷鳴治

風流不見謝臨川，俊逸空慚李謫仙。  
得句向人誰可否？論交于世幾方圓。  
小車望斷幽花外，短屐行來古樹邊。  
落日在庭猶擁簞，不勝春思滿離筵。

元基席上再送士儀

離席因君薦木桃，碧釭新酒瀉春濤。  
詩盟遞結東西社，坐客平分上下曹。  
簾動午風花氣暖，几當晴日篆煙高。  
狂歌亦是驪駒曲，三疊陽關意未豪。

士常席上送乃兄士儀

東樓杯酒惜離羣，柳色春光日未分。  
姜被劇談中夜雨，祖鞭遙指出關雲。  
山城朔雁聯翩起，野店昏雞遠近聞。  
邂逅別來相憶地，醉歌終日任醺醺。

即席贈士常

病後休聞久廢詩，強開涓滴共相知。  
也堪筋力逢春健，不為盤飧竟日辭。  
庭雀脫籠舒倦翼，轍鱗驚雨振枯髭。  
相看各有飛揚意，醉解吳鉤贈別離。

遊慈恩寺二首

十年曾記此中遊，今日重來未白頭。  
楊柳柴門孤犬吠，桔槔蔬圃一泉流。  
携野酌隨陰坐，醉聽溪童隔水謳。  
城市絕憐丘壑地，不須更問五湖秋。

海水周遭寺若浮，忽驚人世有滄洲。  
塔鈴畫語諸天近，石藉涼生五月秋。  
鶴避茶煙歸別院，燕衝花雨度重樓。  
酒酣不盡登臨興，擊節聊為馬上謳。

永光寺送大叅周子建

遊廣恩寺

五粒松間一草亭，四窓虛敞不須扃。  
乾坤著此容吾到，江海逢人笑我醒。  
寥落東林修淨社，摩挲華表蝕殘銘。  
杏花滿地飄紅雪，到手深杯莫放停。

其二

慣客山童說果名，又將幽事惱春情。  
杏林百匝尋奇句，竹院三回說舊盟。  
酒甕倒傾香不斷，花枝頻折意還生。  
林鳩喚雨催行急，敢為田家惜此聲。



春風將解潞河水把酒分歧意未能山寺有僧畱夜榻  
野航無伴對寒燈江南芳草隨人綠海上遙山隔樹層  
踏徧中原今萬里五雲高處看飛騰

端溪研

千年山骨漱江流誰鑿端溪一片秋清潤每疑含宿霧  
澄泓長似注寒湫玉堂有客憑揮翰油幕何人待運籌  
因意通家王太史併將珠玉為君投

聽雨亭聯句

咫尺知心念久違  
玉堂空負小盆池  
鳴階雨驟留窓霽  
隔院香清許座移  
為惜殘紅還擁蓋  
不須浮白已成詩  
明年此會應無阻  
珍重高軒再過之

晚榆堂聯句

吉日鳩工兆墨新  
旌麾忽過擁比隣  
敢云慶澤流來遠  
莫厭公餘到此頻  
采采鳳鸞能接武  
飛飛燕雀故依人  
吾家孫子休言隘  
玉宇瓊樓一樣春

東樓聯句

臨池老肘揮柔翰點綴深慚墨與丹妙到鍾王真未易  
飲兼文字古猶難谿雲過檻蛟龍近海宇當樓眼界寬  
一曲清歌時送酒倩誰移入畫圖看

過君山

萬丈水晶宮一點青螺濕雲暗鼎龍歸竹隨湘女泣

老松

材大難為用誰將此老悲空山獨高潔不怕雪霜欺

小景雜咏

木脫青山下亭開翠水涯孤舟蕩雙槳何處訪相知  
碧樹俯清流高人愛獨坐讀罷發長吟不知斜日墮  
春思日無涯春園景最賒蜻蜓綠底事飛上海棠花

送劉令次陸昂儀韻

黃金臺上暮雲層惆悵無媒欠一登暫歛聲光歸舊洞  
綠蘿陰底看陽冰

圍春堂雜興

數椽茅屋薜蘿深卧聽樵歌自遠林罷却琴書間却釣

不知何處有機心

采采黃花滿徑深  
蕭蕭紅葉滿秋林  
無端此日相思處  
千里書來一寸心

墨香亭

白雲司遠望中深  
瑟瑟秋風奏晚林  
惆悵關門吟賞處  
滿籬黃菊故人心

題鄭時暉繡衣畫梅和張東海武選韻

清夜珊瑚響珮瑤  
羅浮夢斷酒初消  
美人何處遊仙去

獨有遺容傷野橋

遊武夷九曲和朱公先正韻

九曲仙蹤護百靈  
仙童時弄玉簫清  
輕搖畫舫尋真去  
時聽飛泉漱玉聲

晴日瞳瞳薄暮開  
九灣新漲碧澗回  
山靈莫道茲遊晚  
還許春風鼓柁來

蕭顯字文明山海衛人成化壬辰進士授兵科給事  
中有武臣連中貴張大邊功欲邀厚賞公取其奏批

駁之直聲大振又上疏陳時弊斥神姦左道語尤激切一旦忽命中貴召至左順門面詰之公隨事應答語意詳明乃蒙慰遣在職八年內旨傳陞外任所司擬隴州同知不報仍與遠地旋改鎮寧孝宗紀年量移衢州府同知晉福建按察司僉事致仕歸築園春山堂以吟詠自適徐穆為之記年七十八而終公初號履朴晚乃更為海釣云

賀

欽

字克恭廣寧衛人

戲贈友人張解州

平生少陵詩先生嗜之極方其得意時寧知有六籍吟  
哦固所愛句語肯輕擲未合此格調終年不下筆章成  
特示人蒼古多弗識朋儕無賞音撫簡自歎息慙此謝  
詩壇酒量空無敵我言楊子雲太玄終不匿今晦後應  
顯勸君無固必

自警

我生幸為儒者流放心日夜胡能收聖域不遠去千里



我田既荒安有秋適國迷途不知返作室無基良可憂  
年過半百尚如此轉眼光陰成白頭

偶成

凌之澍兮一竿竹水洋洋兮山矗矗青瑣歸來三十秋  
閒雲野鳥相追逐日長午困憩茅軒聲利無關心自足  
終身得此復何求一任書香兒輩續

和答董桂岩同年

謝病歸來已十霜閒中養就野夫狂每尋瑤草和成藥

自剪青荷製作裳幾曲枯桐秋月白一竿脩竹暮煙蒼  
鏡湖原是吾家水還擬扁舟泛渺茫

述懷

壯歲辭青瑣還山坐白雲天時看代謝世事斷知聞菽  
水奉慈母詩書教後昆未能忘鄙陋嘗獻野人芹

讀書

清晨起坐小茅堂萬事無關一炷香展卷細觀前聖奧  
馳名敢學世人狂也知老病年光促爭奈詩書意味長

但願桑榆粗有得肯隨流俗歎斜陽

和番易守愚丘先生韻

身到沈疴幸已瘳  
煙霞痼疾豈須憂  
非關避世矜高節  
自是匡時乏遠猷  
瑣闥兩年空竊祿  
雲山十載免包羞  
管寧本是遼東客  
不願重過五鳳樓

古澄丁聲遠來訪賦一律見遺因和二首

大學陳東天下知  
抗章不怕忤當時  
折腰彭澤成何事  
回首閭山有所思  
軒外孤松全晚節  
宅邊五柳散春絲

歸來還是忘機客傳語沙鷗莫浪疑

曾見多人說舊知幾人能保歲寒時感君千里來相訪  
慰我終年病裏思元伯歡呼具雞黍鍾期靜聽鼓鸞絲  
連牀幾夜無他語析盡羣經有宿疑

寄邵文明大尹

鄉書曾得共推賢金榜題名子更先大尹有才還解組  
瑣闥無補早歸田利名風浪都無與泉石膏肓獨致偏  
同在故園不相見閭山遼水思悽然

傅彥明昆仲久客維揚詩以寄之

山人寄語三公子便買歸舟莫更畱南國可知春似錦  
高堂無柰雪盈頭黃金滿載皆由命白手還家豈足羞  
兄弟師生分非淺詩成四韻淚雙流

與友人宴小莊

瑣闥無堪早退藏衰年幸得病軀康分曹校射依芳樹  
對景開樽樂小莊休言席上杯盤惡且喜壺中歲月長  
況是吾人俱白首更憂何事不徜徉

和韻喜陳本仁相訪

昔時與子共談經情分相投北斗城別我十年身已達  
聽君一律句尤清幽居忽訝高軒過多病深慚倒屣迎  
況遇故人丁大尹連牀同與話平生

再和番易守愚先生韻

白雲堆裏得安身名利無干遠世塵靜把簡編窺往哲  
恒將菽水奉慈親江山秀麗詩懷壯窗戶清幽瑟調新  
幸有此般閒樂事任他人醉五陵春

溪上茅亭和士諮

釣臺高處小茅堂  
退士登臨歲月長  
假寐不為黃閣夢  
無營還笑白雲庄  
清風明月何須買  
綠水青山自可常  
三十年來無外事  
此心贏得不炎涼

題退休卷

五十年來早退休  
三邊賢達子為頭  
題詩每上春山寺  
載酒頻登夜月樓  
釣艇有時江上泛  
兵書盡日篋中收  
常憐李廣非知命  
抵死何曾到列侯

偶成

年老睡還少夜長醒更多  
土床煙火足趺坐默吟哦

水亭涼

先生坐水亭三伏不知暑  
多少熱中人安得此閒處

小橋吟

橋下寒塘淨橋邊風物清  
倚欄閒得句不入俗人情

花園

種得四時花終年香不絕  
有暇輒開樽何必逢佳節



晴樓

高樓時一上眼界濶無涯望入遼天去悽然有所思

扇上釣魚圖

江上釣魚翁不識家何處我恨凌溪來安得與君住

又

倚杖看閒山垂綸釣淩水山頭宿霧開水面清風起

題畫

雲湧青山動橋橫碧澗斜幽人無俗事拄杖去看花

人有以命狀呈者書一絕于後

一卧雲山三十年  
飢殮糲飯渴清泉  
此生自信能知命  
莫把行藏更問仙

寄大尹邵文明

長官辭縣賦歸來  
獨愛幽花手自栽  
何日一樽同笑傲  
東籬飽看帶霜開

挽同年羅一峰

二十年前同及第  
數千里外歎離羣  
誰知竟作終天訣

空對丹青泣暮雲

蕭文明書寄光風大字有作

故人手寫光風字遠託征鴻寄草堂  
鐵畫銀鈎且休論  
高情雅意詎能當

伯初過訪畱飲賦詩

退士卧聽傳呼聲驚起倒屣門前迎  
故人久別嘉會尙  
賦詩酌酒心相傾

人有求薦舉者題其書後

半生榮辱斷知聞  
遠處茅堂伴白雲  
何事利名場裏客  
却將書札撓幽人

簡鄉親

携壺欲就名園賞  
借問如今春淺深  
但得紅芳飛未盡  
便來枝下聽鳴禽

題晚菊

豈必滿頭方足樂  
略教經眼便堪奇  
如何不對重陽酒  
寂莫經旬見此枝

魚磯偶成

何人笑我上魚磯本是窮荒一竹枝  
縱然有節中無物怪底長江舉釣絲

題萬佛堂壁

雲端石洞可棲身水遶山圍賸得春  
傳語高僧休厭客西林曾寓著書人

賞花有跋

落盡羣芳枝已空遊人徃徃怨東風  
誰知寂莫幽園裏

猶着秋花一樹紅

賀欽字克恭廣寧後屯衛人成化丙戌進士授戶科  
給事中大早上章脩德弭災宜以實心行實政勿事  
虛文不報因夥疾歸少讀書暨無間山之光明谷因  
號暨間山人公生平潛心理學與陳白沙羅一峰雅  
稱同志雖數千里若一堂焉海內目為暨間先生

石倉歷代詩選卷四百二十

欽定四庫全書

石倉歷代詩選卷四百二十一

明 曹學佺 編

明詩次集五十五

葉元玉

中秋與同寅團亭賞月

八月忽又半諸公集此亭此亭幽且邃貯月不用扁娟  
娟一輪滿碾破秋天清天空淨如洗點翳無畱停有酒

多且旨有穀椒斯馨有客况骨肉言笑俱忘形酒酣各  
賦詩琳琅響中庭光燄不可秘翻恐勞天丁人生類萍  
梗南北隨飄零去去看月伴落落成辰星今夕復何夕不  
飲空自醒夜深涼露下月側窺疎櫺人散天宇濶西風  
吹鶴翎

潮州喜雪

潮海本炎方隆冬天反熱豈無百歲人到老不見雪胡  
為癸亥冬朔風偏冷冽臘月廿一二雪片如簞結氣候



誰轉移到此方發洩撒鹽安可擬飛絮亦強說梅花減  
顏色越犬吠聲切老夫喜欲狂舞蹈幾失跌匪作兒女  
態幸為豐年決農夫拍手笑穉子開口齧螟蟲種自斃  
安得復作華明當大有年禾黍壓丘垤民食既已足貢  
賦自罔缺道路不拾遺外戶何用閉熙熙復皞皞人和  
天亦悅對雪賦此詩太平好時節

哭老子

六十得一兒命名曰老子頭大趾亦方眉秀目頗美唇

齒紅且白鬢脚垂兩耳肌膚更堅實神色一秋水憶昔  
學行時匪跌即跛倚脚根一有力疾走竟不止出入有  
所見歷歷用手指有時牽我衣一步一回視及其漸學  
語小鳥鳴花裏舌尖澀且艱句句帶渣滓一朝語忽明  
輕清真可喜飢熟叫我食天明呼我起客來方揖罷報  
我幾倒屣張拱學侍立差可成人比見我看書時拉取  
憑小几而也而也誦指字直到底有時見作書彼則強  
索紙把筆信糊塗殆若歸鴉比歲時或祀先我跽彼亦

聽我口方致詞彼口亦云爾老夫見乖覺自慶得蘭茝  
夫何香不永遽逐蕭艾死爾死我何堪哭聲徹閭里坐  
卧欲發狂動作自委靡有時夢中見血淚流未已

玉山發舟

玉山河水落出岫石齒齒小舟費推移一步如一里跌  
坐矮篷下低頭不敢起明日且肩輿從容看山水

一笑軒為潮州陸高士作

結軒在東臯而無車馬馳俯仰天地寬何物能羈縻此

中有真趣難與俗子知萬事付一笑何用勞心思

厓翁亭為前人作

古厓慕高士駕車到竹林清論正有趣薄言日西沈子  
今構斯亭人豈識子心子有無絃琴舍我誰知音

姑蘇懷古

吳王宮中草芊芊西施今去幾千年胥門江水流不歇  
虎丘山色還依然我來江上一懷古前代興亡難盡數  
月明獨自倚孤蓬疎雨沈沈夜當年

洋河曲

西風吹洋河北風吹洋河風水相激如鳴珂少年已有  
四方志今日果向窮邊過我有千里驥可以空路駝我  
有雙龍劍當為斬鼉鼉江山風景自殊異肯把雙淚徒  
洶沱韓范亦是書生輩豈必一一親揮戈

通州秋夜與進士馮子佩言別

分館幸比隣情緣道義親可憐今夕酒俱是異鄉人砧  
急驚秋老窓虛見月新人生不百歲况乃別離頻

送同寅楊秀夫使涼州

使節指涼州都門八月秋風沙迷塞雁刁斗接邊樓料  
理君餘事憑陵虜伐謀歸朝告天子功業畀彛叔

書懷

客中羞對鏡老去動悲驚白髮雖公道流光也薄情名  
虛何足尚命拙不須評無限心頭事良工寫不成

端午請賴監謙不至詩以扣之

異國萍逢跡憐君寄栢林風光端午日故舊百年心盃

泛菖蒲玉盤堆角黍金問君何故者咫尺不相尋

次赤城奉寄諸寅長

驅馳窮北地却是極南人自誓勞王事誰能顧此身  
風沙時帶惡戎馬日為隣若問歸時候長安三月春

同寅李獻吉西齋落成次韻

清論西軒裏相忘白晝長鳥聲隨樹轉燕口帶泥香  
酒盡詩留壁窓虛月滿牀君家好兄弟何地不傳芳

送節推曾良忠之蒼梧

天涯歧路別何處是蒼梧梅嶺蠻煙淨藤江月色孤獄  
清閑狴犴波靜息天吳莫歎炎方遠乾坤亦版圖

挽卷為古田鄭先生作

萬里天涯客歸奔亦可憐摩挲新淚眼指點舊山川孤  
鬼眠孤塚音容隔九泉如何江樹上夜夜有啼鵲

舟中偶成

客途逢四月歸艇破江煙行柳青隨路孤蟾白蒲川滄  
波雙眼裏往事一燈前愛酒酬佳節囊中少俸錢



春日飲李壽州家席上作

春日開春酒主賓共酌之三人俱老境一會是佳期  
明歲知誰健浮生亦可悲此時如不飲桃李笑人痴

金臺送賴公弼之臨桂

倒盡江頭碧玉卮醉來旋賦送行詩  
蘇湖事業歸能者臨桂生徒得好師  
吾道自知如此重儒官誰謂果然卑  
鄉情正與離情合況值西風九月時

挽三山強克謙太守

瓜州人去馬蕭蕭計到金臺淚欲飄銅虎有符猶未合  
玉樓無記却先招典刑缺失鄉邦瘁賢哲凋零士氣消  
老眼摩挲向南望海天空濶正寥寥

酬伍時清過譽小兒

五色湘雲半幅裁塵襟病眼一時開情如江上初生水  
清逼窓前旋放梅老拙愧無經世學豚兒安有過人才  
昨宵賴得東風力吹醒寒爐欲死灰

太平別業為楊恒叔乃尊題

萬樹甘棠手自栽拂衣高卧故山隈白雲深護三間屋  
小徑斜通幾樹梅花下看書紅點句月中呼酒白浮杯  
城東車馬多如許誰解飄然到此來

京中送舉人劉汝敬省母

轉眼南宮較藝時匆匆何事負佳期芙蓉不怨開花晚  
鳥鳥寧忘反哺私淚被天風吹作雨愁因柳路織成絲  
我心亦似君心切況在天涯賦此詩

次楊恒叔無題原倡倒用李商隱韻

覆雨翻雲少定踪寸心空繫景陽鐘只緣路有雲霄隔  
豈是天無雨露濃秋水簾深浮翡翠西風帳小冷芙蓉  
可憐半夜相思夢不到君門第九重

桐廬會鄉同年陳大尹

同榜題名二十年東西踪跡兩茫然桐江幸與先生會  
花縣爭傳大尹賢豺虎聞風咸斂迹荒蕪得雨盡成田  
朝家正有旌賢詔薦䟽行看到日邊

送吾闕薛助教移官南監養母

萬里慈闈江水南孤兒雲望思何堪官居國學會無幾  
疏述烏情已再三紫陌風埃歸裏淨白魚春浪夢中甘  
不知溫趙何為者地下聞風也合慚

楊州贈別薛助教先生

千里同舟一月寬維揚此別兩情難蓬窓明日不相見  
杯酒今朝休放乾綵服羨君堂下舞白雲嗟我客邊看  
鍾山山色濃如許盡屬清閒自在官

建寧滕侍御招遊南郭草亭

舟繫西城河岍側人遊南郭草亭中歌聲到耳鳥呼雨  
春色過橋花逐風命酒賦詩良會合憂君愛國此心同  
清時莫作巢由計早策花間御史驄

重遊東華

山色層層翠欲流乘風獨上萬峰頭花當二月已如此  
人過十年纔一遊地僻便知為太古民淳還幸際西周  
怪來眼界無畱礙北望長安是帝州

謝南雄林太守郊餞

先生餞我七松堂風送松花入酒觴四海幸逢真骨肉  
百蠻應識遠冠裳歌成喜有清風在醉後何妨古道長  
欲謝次公慚不盡便須揮翰寫甘棠

次萬全右衛察院題壁

見說立春三日了春光不見半分來黃沙磧裏風猶冷  
青柳梢頭眼未開舊事每于心上簡新詩旋向筆端裁  
行行又記江南好春酒初醒嗅野梅

次李家庄

雲州東下李家庄草色遙連日色黃千里風沙凋客髮  
一天刁斗碎人腸邊城馬健多侵擾守將謀疎少奮揚  
傳語朔方大元帥好將忠勇激戎行

使天津舟中謾興

娟娟東風入髭絲奚奴隨處可收詩江山好景誰爭得  
花鳥深愁我獨知老去不須營世計病來祇合問良醫  
俸錢買得溪翁酒醉倒蓬窓也不知

通州重九日送何德彰回部馬上口占



離觴擲下馬頭回猶有殘醺映老腮門向夕陽多半掩  
菊當佳節已全開送人每怕搜詩句排悶應難費酒杯  
明歲今朝我何處不堪搔首一興哀

通州會汴梁和舉子人于李獻吉官舍次鳩字

韻

天涯何幸識荊州高興真同汗漫遊蒲甕松花春釀酒  
一簾燈火夜登樓吟肩矻矻詩攻瘦花影沈沈月上稠  
回首古今俱是夢笑他機巧不如鳩

次韻遊寶通寺

詰朝載酒寶通寺，食盒春漿但小裝。  
千里春風傷鬢雪，十年塵夢愧松篁。  
綠陰屈指無三月，白日題詩共一堂。  
醉後浩歌還起舞，不妨人笑老夫狂。

獻吉席上分韻得銀字

民曹水部兩同心，總是斯文異姓親。  
百歲幾遭文字飲，一官深厭簿書塵。  
風翻槐影簾紋碎，雨洗苔斑石縫新。  
笑殺坐中誰更老，古厓雙鬢半如銀。

獻吉官舍夜餞左國璣聯句送之

高館深杯賦別詩  
小窓微雨夜燈時  
對牀骨肉應憐老  
喬木家聲更屬誰  
綠柳曉分燕趙路  
碧梧秋待鳳皇枝  
鄉書有雁還須寄  
記取樽前兩故知

偕獻吉自京回通馬上聯句

靄靄林光雨霽初  
乾坤著眼一塵無  
歸雲渡水春涵影  
醉面便風曉出都  
乳燕教雛嬌欲墮  
遠山當馬翠如扶  
十年來去通州路  
慚愧山間破衲徒

舟中寄李獻吉

美人愛我慙且直我愛美人才出羣  
團亭把手議政事西齋剪燭論詩文  
割雞呼酒對山月撾鼓放舟看水雲  
百年知己那復得海角天涯遙憶君

題雙忠祠

張許祠堂何處是大忠西畔郭門東  
自從孤壘支強虜誰不低頭拜下風  
身死唐家當日節力扶元氣萬年功  
不須再讀前朝史詩筆年來仗至公

春日寫懷與陸高士

茅菴竹徑未相尋忽忽殘紅又綠陰處世浪為千歲計  
看花深負一春心只緣未悟藏蕉鹿豈是慳揮當酒金  
自笑山林緣分薄幾番翹首付長吟

潮州寄致仕雷大尹

兩年分手各西東咫尺天涯萬里同有酒也孤秋月白  
無詩空對夜燈紅簿書俗吏塵埃裏恬退高人畎畝中  
我愛西山亭子好也應相伴醉東風

次蒲田先生韻

半是池亭半釣臺  
埜人襟抱灑然開  
知還倦鳥投林去  
適意潛魚入渚來  
數畝石田堪種稻  
半山茅地也生材  
興來自有天成句  
不用工夫細剪裁

次韻復潮陽柯二守

麾出潮州四五秋  
不才無補合歸休  
西山別業雲千頃  
浮世流光歲一周  
天地有情容我老  
海山無分伴君遊  
韓祠歲月憑誰記  
讀到新詩淚欲流

雨中端午有感次伍天錫韻

采蒲寒艾兩休休五月天時似早秋  
白石有人呼節酒汨羅無客棹孤舟  
浮雲蔽日山川暗淫雨漫天草木愁  
對節感時心不了幾番回首愧沙鷗

漫書

病裏思前事分明一夢中而今知是夢  
却恨已成翁

風花

惡風吹好花花猶抱故枝畢竟被吹落  
還有重開時

雜興

眼前風景不須賒  
月色平分入我家  
最是可人清絕處  
一枝梅影上窓紗

閨怨

小窓睡起覺衣鬆  
怪底幽情似酒濃  
立盡斜陽人不見  
目隨征雁到迴峰

為人題便面

杖藜信步過橋東  
幾片飛花隔柳紅  
指點前頭更清致



遙山一抹淡煙中

曲江孔先生招飲

十年不見先生面目  
斷嶺南山萬重今日  
曲江江上見不妨樽  
酒對芙蓉

弘治六年九月本部奏差宣府沿邊清理草束  
重九日出京次榆河驛

皇華使節駐榆河下馬令人感慨多  
獨坐夜窓渾不寐  
一鈎明月挂煙蘿

次鷄鳴驛見菊

傳舍清幽地步寬  
晨炊未熟且凭欄  
秋花不改真顏色  
畱待天朝使者看

次龍門衛

龍門關外龍門衛  
元是紛紛狡兔場  
今日草枯胡馬瘦  
將軍穩卧綠沈鎗

馬營日暖

愛日當空暖氣回  
與君並馬笑顏開  
如何萬里龍沙磧

轉得南方氣候來

獨石道中遇雪

歷徧窮邊萬仞山  
南人底耐北風寒  
雪花似與人相識  
故故飛來撲馬鞍

次高郵湖

湖水漫漫無畔岼  
風波日日有人行  
輸他林下幽棲客  
閒看梅花破雪清

漁家樂

蒿笋芽長魚正肥  
漁郎搖櫓賣魚歸  
得錢便買溪翁酒  
醉卧蓬窓自落暉

李國賓惠茶携至蘭溪烹之甚佳

白石橋邊自摘茶  
故人持贈意無涯  
今朝烹入蘭谿水  
喜有清風入肺家

揭陽道中

一年一度此行春  
深愧無恩及墊人  
也有一端堪自解  
蒲田清水稻花新

太守行春到揭陽村村男女事耕桑道旁老無拘束  
笑指官家馬足忙

月夜聞琵琶聲有感

悲悲切切復淒淒況是昭君怨裏詞安得西風加着力  
一宵吹送漢宮知

聽鶯

老鳳雖離霄漢中羣聲自是不相同新鶯莫訝偏饒舌  
啼到春歸句未工

古厓先生葉元玉成化辛丑進士為戶部郎時與李  
獻吉鄭繼之以文字交出領潮州守強毅舉職中讒  
而歸潮人以前太守韋菴王公後古厓葉公為兩賢  
云公集李貞夫鄭繼之俱有序

石倉歷代詩選卷四百二十一

欽定四庫全書

石倉歷代詩選卷四百二十二

明 曹學佺 編

明詩次集五十六

林廷選

庚子秋予將赴春官友人王朝紀出扇間梅索

題賦以寓別

江南佳實登廟廊托根暫向李桃場包涵元氣百萬斛

散作大地先春香。往時卧雪蓬窗底。踈影橫斜上窗紙。  
開窗疑是故人來。相思咫尺如千里。一枝曾寄重南金。  
相期不改歲寒心。竭來披拂丹霄路。倍憶清標與神遇。  
山林聚首重有期。人意花香只如故。樽酒花前慰別情。  
翠禽聲底月三更。長安春物遙相待。預訂星溪鷗鷺盟。  
長安步月歌東同年郭仲升暨林利用利芳昆  
仲

辛丑孟秋望前日淫雨開晴月初出玉堂公子難弟兄



見月呼邀話鄉邑郭君有道況同年相逢逸氣俱飄然  
劇談愛月不忍散褰衣步近龍樓前龍樓倚空全受月  
十二雲梯高窅兀散影長安白玉街流輝漢代黃金闕  
俄聞玉漏傳初箭宮柳梢頭月行漸秋風次第折天香  
嫦娥猶識書生面相隨遲遲如有情壯心對影還自驚  
去秋見月閩山下今宵見月長安城浮生安得長相遇  
惟有月明一窠宇他年宦轍各東西見月還思舊遊處

送宣長劉汝玉器子景還家

畫舫超宗別黃堂謝鳳愁幾年孫戶閉一旦魯宮遊棘  
寺乘龍日京闈擢桂秋捷音須早寄天濶雁悠悠

除夕寫懷呈邵錫之通守

吏散黃堂靜惟聞爆竹聲一宵寅卯歲兩地別離情懶  
怕官常責貪添夢寐清壯吟悲往事知己費推賡

吳江舟中述懷

放櫂入吳江瞻雲思欲狂親闌雙雪鬢宦海一風檣理  
郡知無術憂民若有傷微吟笑今古漁唱起滄浪

舟次錢塘寫懷

高堂違色養薄宦滯功名幾載歸閩夢今朝到越程山  
環晴見喜濤怒夜聞驚此際倚閭望應思中路征

哭表兄鄭孔善

未獻河東賦先為泉下行事姑如奉母養弟莫過兄聞  
訃千山隔招魂萬古情空階明月夜疑聽誦詩聲

憩袁州宣風鎮公館

孤館萍鄉路寥寥稱客情鳥聲喧日午山色蕩春晴不

飲愁偏積無言意自生西巡尚千里極目瘴煙清

別李伯越二首

會面悲分手瓜期瞬息過一宵增感慨萬事已蹉跎極目懸秦望長吟入楚歌太微精曜在長燭桂山蘿

逆境安身藥榮名賈禰媒君恩深雨露吾道有臺萊洗

耳空明洞披襟獨秀臺桂枝深出地何處不掄才

是秋予在

廣西  
應試

休衙口占

觀察承宣重非才屢拜加四年三易省十夢九歸家丹  
筆生心火清霜點鬢華休衙看明月初上紫薇花

尚達齋招飲狀元峰

一望窮千里高登鼇頂峰海門東際濶山勢北來重雞  
犬蓬瀛近煙霞梵剎逢出雲紅日在老眼更從容

過仙霞關東林應瑞同行八韻

何年窮地軸此路接天梯南北江湖遠高深象緯齊雲  
腥龍出洞苔破鹿行谿野渡無人間荒林有鳥啼杏花

村不見茅店月空樓午憩臨飛瀑宵征聽早雞帝閭塵  
外杳鄉國望中迷一笑逢知己風煙謾品題

對策

袞冕臨軒物象熙周家多士集彤墀才非賈誼寧須哭  
直似劉蕡亦受知天祿雲煙浮筆硯蓬萊日月麗旌旗  
敢云身在層霄上忘却燈窗昔下帷

桂林行臺四山皆几席間清奇峭拔名重天下誠不誣  
也民事多艱不遂登眺瓜期得代對景惘然

桂山竒峭世間無日日當窗見畫圖排去離愁忘歲月  
助來吟興徧江湖空茁花木青黃間疊石莓苔紫翠腴  
也被山靈嘲我俗寧拚半晝狎樵夫

賜宴

詔下蓬萊第一宮瓊林與宴九州同入脣醴酒流霞紫  
壓帽宮花借杏紅自是明良千載遇勿虛圖報寸心忠  
醉歸還向長安道燈火笙歌玉駱驄

延平別葉廷璽兼呈張伯章黃守正時同年同

外補伯章南海守正揭陽廷璽高安予則高  
安也

宦遊南北歎飄蓬回首君門亦幾重勝會瓊林三日宴  
離愁劒浦五更鐘予慚處斷非蘇頌予去循良繼魯恭  
臺諫于今多外補暫時分手復相從

送常山尹余宗美考績之行

夫子襟懷瑩雪霜洵宜政事與文章鳴琴已協陽春調  
飛鳥行依日月光花縣民思今召父杏園人識舊仙郎



朝陽正爾梧桐盛，棘鳥能滯鳳皇。

北上期秀水不至

聞君行旆住蘇臺，我亦楓橋祖帳開。  
秋色滿江將我去，煙波何地覓君來。  
湖山孤負詩千首，風月深憐酒一杯。  
欲待仙舟話疇昔，雲泥隔面不勝哀。

詠金山寺

天塹中分十里流，僧房長挹海門秋。  
無人不道金山好，有客重畱玉帶不龍出。  
曉堂雲未散，蜃沈香壑氣常浮。

題詩先付中泠水待我登臨酌滿甌

進表朝下口占用李卻伯贈行韻

江湖三載憶長安此日應憐會遇難玉帛萬方朝闕下  
紫微中夜現雲端歡呼壽祝乾坤久錫賚恩涵雨露寬  
歸到掖門煙樹裏乳鴉啼斷曉霜寒

用前韻送秋官林待用謫滇南

緘默場中獨犯顏滇池萬里肯辭難雷州司戶嘲誇大  
潮郡昌黎學挽瀾觸目炎涼隨地遣到頭夷險且懷寬

碧桃紅杏沾天日  
松柏風光耐歲寒

遊金山寺不果

幾度經過憶勝遊  
風波世事阻扁舟  
山當下上江心處  
水望東南天盡頭  
玉鏡臺前看寶髻  
芙蓉葉下卧龍虬  
昨宵夢得麻姑信  
海外于今只九洲

寓武進呈二教陳孟廣先輩

鵬搏早擊海門秋  
偶失東隅志未休  
傾蓋滿斟燕市酒  
之官同買潞河舟  
江山得句時賡唱  
雪水烹茶日獻酬

此別悠悠已三載相逢不覺話綢繆

賡嘉定二教林克清見寄

光華上國展初觀野水晴山柰別難宦海偏逢鄉曲好  
黃堂祇似泮宮寒詩將寫景腸猶澀酒欲開懷量未寬  
一歲相過無兩度清風明月付誰看

寄杭州別駕邵錫之

萍梗相逢聚一堂清忠相許鬢毛蒼仙舟待醉梅江月  
驛騎常馳荻渡霜曾學少年忘戲謔誰知中路轉參商

贈行愧乏陽關曲  
越水吳山思渺茫

迎養

慈親六十八春秋  
三載堂前只夢遊  
瞻舍孤雲常在目  
懷兒白雪易盈頭  
小孫可伴板輿戲  
薄俸聊充菽水羞  
閩海吳江天咫尺  
東風期買芋原舟

以公事之京口周李二同寅遠餞

京口姑蘇不日程  
畫船湘席款離情  
謾驚異客如萍水  
且喜同僚卽弟兄  
竹寺覓茶消醉渴  
野僧呼酒解餘醒

夕陽孤棹龍山渚南望長吟愧報瓊

錫山舟中呈同年呂宜中期遊龍山惠泉不果  
兩岼垂楊覆畫船相看況復有同年眼前山水詩題徧  
江上風花酒興牽鳥解人情囀溪樹棹歌漁樂隔汀煙  
龍峰笑我塵纓者何日能閒酌惠泉

舟次宜興有懷

一棹朝常暮至宜萍蓬蹤跡本無期太湖東望如彭蠡  
陽羨西瞻似武夷柳色纔勻鶯囀候蘆芽猶短雁歸時

思鄉日月愁腸斷消遣惟憑四韻詩

溧陽道中

陽羨纔過又溧陽郊墟桃李似蘇常金陵地近雲霄上天目山高牛斗翳積雨空林歸杜宇小溪新水浴鴛鴦  
五年前是春明客今日江湖歎野航

丹陽道中

疎篠垂楊蔭古河江南風景復如何潮通天塹傷前事  
路入金陵憶舊過茅屋曉飡煙火少石梁宵泊虎狼多

推篷起坐觀星斗  
擎檝長吁發浩歌

登釣臺

捫蘿踏破半空雲  
吳越低垂杳霭濱  
物外煙霞有真意  
人間岐路自浮塵  
客星天澹龍歸遠  
夜月江空鶴唳頻  
篙子不關今古事  
一帆風正促前津

余友王朝紀家多荔枝茲歸過期懸想有作

三槐堂後荔枝叢  
六月纍纍青間紅  
摘浸盆池松澗水  
乘餘石榻竹間風  
別來幾載天涯想  
歸去將秋樹底空



勝畫君家多後熟東君畱待意無窮

蘭溪夜泊

懸枕青山驛傍溪繁華不讓浙東西高林樓閣畫圖出  
繞郭峰巒屏障低柏燭迎春金字帖香醪過夏甕頭泥  
泊舟不寐思鄉里坐聽灘聲與鳥啼

次衢州寄余常山

宦海睽離亦幾年浮雲流水兩茫然獨憐鮑叔偏知我  
誰念中牟尚滯賢明月野航千里夢清風高館一魚懸

相望咫尺猶憑雁寄取江東渭北聯

喜過衢州

思歸常恨翼無雙舟過三衢思已降  
脩竹鶯聲來半枕亂峰雲氣入朝窗  
山行五日甌閩地水歷千灘長樂江  
江上故人畱話舊白魚香稻酒盈缸

登虎丘千頃雲和鼻大年韻

風日清時憩此亭吟眸望入碧雲屏  
金精既散虎文炳劒水空藏龍氣腥  
張祐集中詩寡和生公臺下法誰聽

凭欄不盡登臨興，獨喜桑麻四野青。

建溪舟中

山行牢落憶舟棲，水涸程脩意轉迷。  
亂石激流溪曲折，閒雲橫嶺樹高低。  
月斜蓬竹踈螢度，風靜沙汀獨鳥啼。  
卧看星河占夜徹，更無茅店一聲雞。

泊水口

黃田南下刺歸航，江水無聲石不剛。  
偶語鄉人情自洽，乍看榕樹意偏長。  
山花有意當杯落，沙鳥如知笑客忙。

望隔家林三百里夢魂前夜遶高堂

竹崎阻風

千里江湖渺歸興須臾風雨滯還期山林燕雀啁啾裏  
舟楫魚龍出沒時泊岸行吟長歎息倚閭顚望更驚疑  
此時無酒消詩渴遙指雲林買荔枝

遊西峰別月峰上人

幾載懷山今晝遊老僧相見意綢繆獨迎翠竹雲邊路  
共聽寒松石上流柏子飄風來客坐桂花分露入茶甌

宦情未入道情減祇使東林猿鶴愁

中秋夜舟次延平對月有感

萬里無雲月滿天平分秋景自年年人言難得此時霽  
客意偏驚今夜圓光攪故山慈母夢影遙官舍小兒憐  
寸心兩地愁無計坐聽城鐘起曙煙

述閒

忙時偶爾習閒身懶泊城濠去問津一日無詩難脫俗  
通宵不寐為懷人船頭水淨胡僧眼雲外山含西子顰

弄水看山成癖處因悲案牘久勞神

壽母

初度年年菊正黃預傾仙醞獻高堂常時夢裏驚衰老  
今日樽前喜壽康七十人生能有幾三千里外不遑將  
由來令德宜遐福還見滄溟徧植桑

還山東諸故人

自離猿鶴寄魚箋不到林塘已五年眼見青松長出澗  
手移紅藕盛開蓮良朋爭載山中酒俗客招營郭下田

一日得閒思暢飲白頭閣里幾人還

疏池

數畝荒塘草閣東疏時恰與我相逢  
新涵坊署重重影舊映雲林面面峰  
蓮自池中穿作藕魚因雨後化為龍  
捐軀莫報君恩重還負垂綸倚水松

遊建寧西觀贈碧虛道人

垂簾踪跡混沈冥偶話鄉塵亦細聽  
龜伏藥畦機已晤鶴驚松露夢初醒  
呼童拾栗供茶果索我題詩記竹亭

解道宦情隨處好古今濃淡付空青

懷窗友張孟父

劒氣藏山未出銛青燈夜雨共薤薤笑談喜見陂千頃  
別夢愁分月半簾江遠天邊孤嶼小雪深門外數峰尖  
陽春欲和頻須寄白雁江鱗久已淹

哭外舅

千里間關訂會期別來那擬死生悲危樓明月閑山影  
老圃清霜舊菊枝坦腹愧非王氏子招魂哀寄楚人辭



昨宵舟泊澄潭下白髮蒼顏入夢思

偶成

四面嵐光映日遲扁舟雨過上灘危青山日看偏能畫  
白鶴來時未可騎遣病學調囊裏藥消閒自算局中棋  
南還北去如萍梗却羨林鴉戀故枝

茶洋別行人何繼善同廼弟繼周之任

聚散真成水上萍沙頭立馬望雙旌皇華載喜兼常隸  
伐木那堪續渭城幾處梅花寒臘盡數程桑梓暮雲橫

一觴且醉車傍酒桂嶺燕都萬里情

除夜宿建安行臺與同寅滕吉甫同年楊恒叔

話別

桑梓未離千里遠年華又逐一宵除客心滴碎燈前雨  
鄉夢啼殘栢上烏終古功名垂宇宙半生踪跡徧江湖  
多君二仲能相慰醉和陽關擊唾壺

宿武夷宮

道士李常春  
同邑人也

踏月呼開竹下扉羽人云是舊令威茗煎龍井殘年雪

蔬摘獅峰絕頂薇身在十洲遣世累夢遊九曲挾仙飛  
洞門忽報金雞唱催上青驄度翠微

進賢道中有懷

停車徙倚倦逢迎去路悠悠趣曉晴霜滑危橋驚馬足  
月明孤枕候雞聲絲綸簡付今時邁耳目叨居古裏行  
知己相逢重相祝風霜臺上務寬平

衡陽冒雨至祁陽宿山舖口占

衡陽纔過又祁陽馬首山花不斷香吏徙行庖依疊石

氓窺駐節在深簷掃雲隨處成高卧冒雨從人笑獨忙  
欲寄音書數千里峰前迴雁未南翔

平樂行臺籌用兵給餉有懷和前人壁間韻

蕩蕩堯天化日長願垂蔀屋照逃亡朝鉦暮鼓時多難  
青草黃茅地半荒湖海有心馳北闕經綸無術起南陽  
晚山環翠清人骨載詠皇華第幾章

送魚憲包好問服闋之京

三年血淚移風俗百歲功名豈為家話別芙蓉花外雨

夢隨滄海日邊槎  
知心不謂交深淺  
處世誰論調正哇  
傳語西臺舊同輩  
洞源猶未變桑麻

桂林夜懷器之將別

仕路追隨別有因  
平生傾倒更誰親  
良宵咫尺如千里  
嘉會蹉跎又五旬  
攬轡恰逢多事日  
折梅同憶故園春  
只愁江上孤舟別  
明月清風冷煞人

再懷器之

萬金猶未到天涯  
回雁風高隔九疑  
鄉夢偏多殘臘夜

宦情應減少年時  
風腥江海遲舟楫  
雲暗關山急鼓吹  
慚愧胸中少兵甲  
湘南今日繫安危

送總督閔都憲擢南曹司寇

籌邊樓上坐春風  
忽覩登仙別意濃  
在昔伏波稱馬洛  
于今司寇擢夔龍  
錦衣晝領高堂趣  
黃菊秋呈老圃容  
經濟有懷論不盡  
金陵雲樹遠千重

阻水昭平同僉憲陳文用賦

昭州南下接梧潯  
民苦羣夷歲屢侵  
令肅柳營旗旆偃

詩成蓮幕酒杯斟  
雨深湍惡遲行色  
花落鳩啼碎客心  
我愛干城人赳赳  
未聞置兔在中林

厓山大忠祠次陳白沙內翰韻

自有乾坤適此躬  
斷魂斜日怒濤風  
身危未肯全歸數  
義盡由來不計功  
感激江湖存一老  
綱常今古係三公  
厓山草木應增重  
誰向錢塘覓閔宮

五羊江別李伯起

君羈逆旅我朝天  
百歲心情萬里船  
別淚祗緣今日落

義交應與後人傳五羊江漲初逢雨八桂峰高半著煙  
謇諤相期堅晚節服膺何必佩韋弦

還朝以戎功受賞加俸感愧有作

觀風無補愧臺端叨沐恩波似海寬  
雋綺文浮神豸角  
千金色借雪花團樹功自信非干賞  
增祿何妨未徙官  
自古明良難際遇到頭寧負寸心丹

送張都閫擢任閩中

方面官高武並文南藩新擢北將軍  
駕行向曉辭宮蹕



龍節迎薰靜海氛王旅時平須養銳君名年少已超羣  
登堂見禮因知德喜為雲臺致策勲

丁巳秋八月望後陞浙江按察僉事有感

三年蹤跡寄浮槎忽報遷官喜近家廉訪臺前仍憲秩  
春明門外豈天涯間邀七里灘頭月醉折孤山水畔花  
廊廟江湖隨地足周南畱滯漫興嗟

挽提學豐城游公

七閩山斗失瞻依春雨芹香報德祠面命不忘青眼意

心喪猶繫白頭思誰人已許心中劒獨我來觀塚上碑  
載仰龍光堪頓首斷厓煙樹倍淒其

保昌別王器之舟中感懷奉寄

百粵同巡十載前西風逆旅共華顛策踈董賈愁無盡  
交洽朱陳老益堅露下美人隔秋水船頭明月自青天  
三山非是無仙逕縮地于今幾學仙

過五羊有感

三年夢繞五羊津重到秋風起白蘋在昔繁華付流水

而今寂寞問蒼旻  
沈魚過雁皆知我  
碧海丹山自可人  
為語貪泉何日竭  
庶令清惠澤斯民

望羅浮次提學潘孔修行臺壁間韻

四百峰頭長是春  
登臨未暇愧塵輪  
芙蓉朵朵霞光粲  
梅樹重重月色新  
翠羽有情啼覺夢  
丹砂無路覓通神  
後遊直欲躋金壁  
渺海凌霄快我人

潮州會胡允承僉憲喜而有作兼柬丁師孟大  
叅皆舊同寅

川經脩阻陸崔嵬註誤無端念已灰祇為疾趨御史節  
誰知良晤故人杯登臨韓廟求遺草拜讀蘇碑掃積苔  
醉話青山雲水窟誰聞海外更蓬萊

題海珠寺

出郭招提兩岼平畫船來往寄閒情海中寶地一珠小  
檻外澄江雙練明夜月頻觀蛟女泪早潮常雜梵僧聲  
此身欲借涼颺便直作蓬萊閨苑行

饒平神泉小舟中

平生足跡半天下今日偶逢行路難錦里野航無更窄  
真人蓮葉有餘寬夕陽峰勢迎秋峭深夜潭光映斗寒  
一片短篷何障礙盡收清景足詩壇

神泉小舟中懷湖廣亞叅長汀鍾舜臣寄以嘲  
之

神泉北上瀨千灣昔日先生此往還盡飲風稜宿煙水  
長舒憤懣眺江山濟川輸與篙師巧到岼翻思宦海艱  
九曲櫂歌明月夜何由同扣紫陽關

次陳晉菴大叅藍屋驛壁間二律韻寓懷兼柬  
茹兵備

侵曉驅馳乘月明慣聽松籟雜泉鳴雲山滿目客非遠  
禾黍一秋農有成賣劔買牛知俗易朝征暮歛為心驚  
停騶地僻逢迎少坐與沙頭鷗鷺盟

三洲驛卽景

行客望晴農望雨冥冥之際得兼全日斜百里方逢驛  
雷送千峰忽洗天柏透香花來屋下竹添秋意到階前

山林禦寇無良策咸願自今長有年

聞同寅李仁仲少叅往南安至贛不得一敘口  
占畱別兼東陳宗之大叅時宗之有慶賀之  
行

分司君復到梅關我昨嶺南歸路漫六十重臨江浙去  
一杯難盡渭城歡閭閻土俗須明告屏翰勲勞媿素餐  
緬想矩菴天上至比隣風月賞春盤

玉山公館感舊次陳希白大叅畱題韻

三十年來長作客起曾寓此月嘉平一時人物知何在  
竟夕羹牆夢不成雨近重陽添旅思天連浙水漫王程  
縱教白首江湖上欲報君恩罄我生

膺召上京師

登仙人已笑班生又捧徵書媿復驚山水窟中消宦況  
雪梅香畔促王程欲酬天地四方志安得心胸數萬兵  
君相明良勞吐握白頭何幸贊昇平

陞右都御史奉勅總督兩廣軍務兼理巡撫



愧懼有作

江湖廊廟竟何為，新捧綸音下玉墀。  
半載三遷驚數異，兩藩重到訝時移。  
草萊枯槁須膏澤，今古勲名在鼎彝。  
報國寸心猶未老，粵山瀰水也先知。

生日述懷

白首慚叨將相權，又逢生日倍潛然。  
璽書褒及連三世，花甲週來忽二年。  
雙闕有情懸鳳翼，百蠻何幸息狼煙。  
乞歸未沐覃恩許，清夢頻頻遶竹田。

贈張元器憲副復職還浙

歸棹飄飄出天涯  
途歌猶頌老賢司  
璠璣滌去蒼蠅點  
松栢依然翠黛饒  
有羣英爭載酒囊  
無餘贐只留詩  
太湖風月寧須買  
歲晚心期付釣絲

題督舶尚公府藏陳大亨雲山圖

春雲飛盡見青山  
茅屋蕭蕭草樹間  
濟渡無人橫野艇  
携筇有客訪柴關  
五湖煙景應非遠  
三徑風流似可攀  
笑謝西園天上侶  
披圖寧許寄投閒

送黃義菴還閩

半生宦轍接清遊前是蘇州後越州  
桃李滿門閒卽樂江湖馳闕遠還憂  
別愁晚浦聞鳴雁歸趣晴沙對懶鷗  
試問六平舊同館白頭林下幾人休

題督舶尚公閒庭晚翠

雙幹盆松積暝陰綠雲簾幙畫堂深  
枝橫遠訝蒼龍舞風撼渾疑夜鶴吟  
流響靜含天籟發後凋應有歲寒心  
明公對此堪娛目不讓秦封數百尋

題徐嘉興扇畫梅麇屠大理韻

羌笛悲殘曲含章憶素英關情使君閣詩雪夜同清

平樂候王器之來巡適阻風遲行親友情鍾竟

夕不寐賦此以迓

江水滔滔南注急天風故故北來狂誰憐孤館扁舟客  
只尺相望萬里長

吸翠亭

刻石畱題記獨醒危亭虛敞納遙青此中合著詩翁榻

卧看雲山晚翠屏

欽定四庫全書

卷四百二十二

石倉歷代詩選卷四百二十二